

gleich nit vorziehen: zum dritten / welcher der fürnembst ist / sich dem / so niderer vnderthänig machen. Alle drey waren in Francisco zusehen / insonderheit aber der dritte Grad / daß es so wol zubedencken sein Versohn / als die / denen er sich vndergeben / billich für ein fürtreffliche vnnnd Apostolische Demuht zuschätzen ist.

Das X. Capitel.

Von deß H. Xauerij Gedult /
so zu Befehrung der vnglaubigen /
höchlich vonnöhten.

Die Gedult ist der erste Theil der Stärke / dann es wenig nuycket schwere ding anzureißen / wo nit solche die Gedult hilfft ubertragen. Daß diese Tugend vor anderen höchlich zu Befehrung der Menschen vonnöhten / gibt Zeugnuß der H. Paulus zuden Corinthen / da er in erzehlung / was zu einem Apostolischen Mann erfordert werde / von sich vnnnd anderen also redet: in allen dingen laßt vns beweisen / als die Diener Gottes in grosser